

覺後編

上冊

印光法師鑒定

王克庵居士輯

覺後編

真定王宗炎敬署

覺後編序

孔子曰。性相近也。習相遠也。性卽覺之本體也。習卽覺之功用也。性則凡聖生佛了無二致。故云相近。亦卽所謂人同此心。心同此理也。習則有順性悖性之不同。能順其性。則居心動念行事。自能懲忿窒欲。閑邪存誠。以至人欲淨盡。天理流行。圓復其本體之覺性。以至爲賢爲聖。初非有待於外也。如是之人。名爲覺者。先覺者。必以己之所覺。轉而覺彼不覺。悉令皆覺。則彼後之未覺者。一一悉同先覺矣。此繼往開來。參贊化育。以維持天下後世之大法。亦卽人與天地並稱三才之所以然也。故伊尹云。予天民之先覺者也。予將以斯道覺斯民也。非予覺之而誰也。彼旣以聖賢視一切人民。而人民之聞其說者。誰肯以庸愚自限。不復兢業修持。以直趨于聖賢之域乎。惜後世未受先覺之教導者。每每迷真逐妄。悖覺合塵。奔馳于聲色貨利之中。遂至舉道德仁義而置之度外。雖同賦此覺性。由其悖戾之故。不唯不爲聖賢。而反墮爲庸愚。爲暴亂。豈不大可哀哉。書曰。惟聖罔念作狂。惟狂克念作聖。則覺後之道不

可不汲汲講求也。正定王克庵居士。前清之隱士也。以爲時當末造。聖賢既難親炙。莫由取法。六經論孟之言。又非普通人所能領會。于是采取感應篇陰鷲文功過格等。及古今賢哲所著孝親敬長持身涉世改過遷善諸嘉言。輯爲一編。共分十四門。首曰明宗。錄感應篇等三種。以爲總綱。自後各門。皆發揮此三種中所當取法所當切戒之意。後人能讀是編。則綱舉目張。本立道生。舉凡一言一動。無不納于範圍。如鎔金入嘉模。勢必成爲正器。如嘉禾得甘雨。決定大有收成。世間之善果。旣得誰肯畫地自限。不復以修持淨土法門爲事。以期圓證此覺性。而爲世出世間無上大覺也哉。其弟雷夏擬爲流通。持以見示。因相與募資排印。以廣其傳。有緣遇者。宜詳閱而深思之。切勿錯過。則幸甚幸甚。

民國十八年己巳仲冬古莘常慚愧僧釋印光謹撰

覺後編發凡

正定王夔立

一勸善文籍。莫尙於太上感應篇。炎宋以後。遞加推闡。條流始繁。其彰瘡之機。實與儒門合轍。因果之蘊。又爲佛法初桃。比而論之。精粗咸備。今窮其源委。擷其英華。所錄文籍。凡八十八題。計文七十七篇。書十七種。分爲十四門。以暢發勸戒一宗之旨。

一勸戒端緒。非一。統括綱要。如開宗以下三門。皆總論也。分析條目。有就事而詳之者。如惇親以下七門。有就人而詳之者。如爲學以下四門。皆專論也。合而觀之。勸戒要義。不外此矣。

一本書分十四門。每門不止一事者。又各以義類序列。不拘撰人之時代。大約一事之中。以包舉一切者居先。以偏舉一端者居後。或兩篇分據事理。則以明理者居先。以指事者居後。故雖一人之作。同列一事之中。而仍有前後分載者。如惇親門中。前列勉孝說。又間數篇。乃列廣愼終說。卽其例也。

一每事有數篇者。此以意義相資。並非重複。如惇親門中孝親一事有五篇。第一統論行孝。第二詳論不孝之端。第三分述行孝之目。第四戒淹親柩。第五勸修佛事。合之其義乃全。他們之有複篇。意亦如此。可以類推。

一選錄諸篇。必著其所出。大都以最初之本爲主。必詞理後勝於前。始錄後出之本。亦有參錄二本三本。及用改訂本者。均於本篇注明。既求其當。尤必有所依據。不敢專也。

一開宗三篇。行世已久。字句間有不同。當從其朔。如感應篇凶人語惡視惡行惡。三年天必降之禍一節內。三年二字。惠氏注本獨無。而舊本及通行本皆有。又陰騭文增益字句。始於顏章敬。潘成雲。其後亦多附和。而舊本及通行本皆無。今一遵舊本。又太微功過格。有作十一格者。有作十二格者。字句亦有歧互。今以蔡子威本爲主。參取羅麓菴本。豫恕堂本。俾臻完善。各於本條注明。無一字無來歷也。

一近代之作有理不周圓詞不愜當者。不能不僭爲潤色。增損較多者。注明本篇。稍有點定者。未能悉贅。閱者鑒諸。

一本書搜采雖廣。刪削頗嚴。凡辭意舛陋者不錄。事實乖舛者不錄。殘闕不完者不錄。其相複之文。則較優劣爲去取。往往有習見之篇。未加采錄者。以爲他文所掩故也。

一後人勸戒之文。往往託之先賢大儒。及神靈仙佛。此雖救世之苦心。但語意文體必不能符。爲明眼人識破。轉致誹議。不獨欺人。抑且侮聖。奚其可哉。故除陰鷲文。太微功過格。其來已遠。炳如日星。敬錄以繼感應篇外。其餘一概不錄。一本書編纂大意。務欲該括事理。釐然各當。不貽挂漏複雜之譏。故嚴其體例。詳其門目。因事爲類。以類徵文。既網羅前賢佳篇。分別部居。俾就條貫。復於切要事項。前人尙無合作及近今弊習。前人未經闡明者。各僭擬一二篇。以補其闕。期閱者心開目朗。人得一編。咸可資爲韋佩。無事旁求而已。

一撰人姓名事實。考之傳記。節錄其概。無可考者姑闕。俟博通者考補焉。

一三教皆行善爲基。而世善非究竟法。必歸極於佛。方徹因果之源。本書於善惡大端。每及法門義旨。冀相觸發。如先通議公訟過記。藕益大師十善業道經節要。蓮池大師戒殺放生文之類皆是。若能由淺悟深。漸入佛海。則善門之極功矣。

撰人考略

于覺世 眞德秀 盛百二 羅有高 汪正 姚文然 李承福 周夢顏

蔡秋卿 羅玉璽 又元子 袁黃 陶奭齡 顏茂猷 魏禧 王椒園

孫思邈 王昶 司馬光 陳宏謀 朱用純 熊宏備 王龍宛 楊廷鑑

鄒祖堂 實叉難陀 釋智旭 石璿 孫念劬 余治 王士俊

楊奎 傅越塵 彭定求 釋元賢 袁銑 吳氏 更生子 陸幹

汪福臣 釋袞宏 顧雲宏 曾大奇 彰紹升 陳薦夫 屠倬 林則徐

汪琬 王杰 陳智錫 龍樹尊者 鳩摩羅什

王倬 張潮 張允祥 施閏章 朱熹 程瑤田 顏之推 程端禮

林致之 蔣省庵 呂本中 陳昉 張海鵬 呂坤 于準 于成龍

耿定向 蔣埴 錢維喬 劉山英 謝鴻申 徐大椿 周氏 周樽

曹世叔妻班昭 范蔚宗 宋若昭 柴紹炳 方俊

以上共八十一人。可考者。概括始末。各爲傳略一通。並注明所本。其事實無稽。或姓名不具者。亦就所見列之。俟博雅君子考補焉。

于樵。鐵名。覺世。字子先。山東新城人。入文登籍。順治乙未進士。康熙中以禮部郎中任廣東提學道。南省公餘錄。感應篇贅言。

真文忠公。名德秀。字希元。宋建寧府浦城人。慶元五年進士。繼中博學鴻詞科。以太學正累遷至起居舍人。太常少卿。敷歷中外。理宗初。直學士院。屢進鯁言。史彌遠嚴憚之。爲莫澤等劾罷。後知福州。召爲戶部尙書。改翰林學士。尋參知政事。乞祠。以資政殿學士提舉萬壽觀。卒。公立朝不滿十年。奏疏無慮數十萬言。皆切當世要務。宦游所至。惠政深洽。自韓侂胄以僞學錮善類。近世大儒之書。皆禁絕之。公晚出。慨然以斯文自任。講習而服行之。黨禁既開。正學遂明於天下。後世皆其力也。諡文忠。從祀孔廟。宋史。文廟祀位考。按宋建甯浦城。卽福建今府縣。

盛秦川名百二。鄉籍浙江秀水。乾隆丙子舉人。官終淄川縣知縣。皇朝經世文編。袖堂文存。

羅臺山名有高。鄉籍江西瑞金。乾隆乙酉舉人。未仕卒。臺山天性孝友。早年爲學。以宋諸儒爲宗。既而從彭二林游。歸心佛門。深造有得。治古文最精審。有尊聞居士集八卷。尊聞居士集。

汪石心名正。鄉籍江南吳縣。乾隆嘉慶間人。國朝儒林正論。

姚端恪公名文然。字弱侯。安徽桐城人。順治初。以薦授國史院庶吉士。洊歷禮科。工科給事中。副都御史。刑部兵部侍郎。擢刑部尙書。卒諡端恪。公於國家利害。吏治得失。民生休戚。知無不言。言無不盡。所建白皆天下大計。而必推本於君身。尤欽恤民命。在刑部。全活甚衆。所著奏疏及詩文集。皆質實純厚。有古風。

國朝先正事略

李更生名承福。字曉蓮。浙江錢塘縣附生。道光咸豐間人。同善錄。

周安士名夢顏。一名思仁。江南崑山人。博通經藏。深信因果。著有戒淫殺專書。抉微洞幽。與西歸直指。陰鷲文廣義。俱行於世。安士通世務。習知吳中田賦水利。源委得失。康熙三十八年。聖祖南巡。安士迎駕上疏。請減蘇松浮賦。未行。以諸生老於家。居士傳。並自著諸書。

蔡子威。名秋卿。鄉籍福建。明末人。蔡刻太微功過格。

羅麓菴。名玉璽。鄉籍浙江錢塘。乾隆中人。羅氏敬信錄。

又元子。金大定中人。姓名履貫均無考。蔡刻太微功過格。同善錄。

袁了凡。名黃。字坤儀。明南直隸吳江人。補嘉善縣學生。萬歷十四年進士。授寶坻

知縣。擢兵部職方司主事。經略宋應昌援朝鮮。奏爲軍前贊畫。兼督朝鮮兵。了

凡擊却倭人。以忤提督李如松。劾議削籍歸。卒年七十四。熹宗朝。追敘征倭功。

贈尙寶寺少卿。了凡好學問。通古今。其在寶坻。濬河築堤。減賦輕徭。以便民。家

不富而好施。奉雲谷師之教。力行功過格。持經咒。習禪觀。日有課程。著戒子文。

四篇行於世。居士傳了凡四訓。按明吳江嘉善卽江南浙江今縣。

陶石梁名爽齡字君爽明浙江會稽人望齡之弟亦好禪學崇禎中與劉念臺講學陽明祠從者甚衆。四庫全書提要居士傳。按明會稽卽浙江今縣。

顏光衷名茂猷字壯其明漳州平和人中天啓甲子鄉試崇禎甲戌以作通場五經題成進士賜二甲二名授禮部主事鼎革後棄官學道而終。迪吉錄迪吉

編同善錄尊鄉贅筆。按明漳州平和卽福建今府縣。

魏叔子名禧明江西甯都縣諸生清初隱居教授不應徵辟與兄祥弟禮彭士望邱維屏等號易堂七子以古文實學爲歸敦古友誼有文集二十二卷。國朝

先正事略。按明甯都縣卽江西今直隸州。

先通議公姓王氏諱定柱字靜擎一字敦安號椒園直隸正定人。中乾隆丁酉鄉榜庚戌成進士嘉慶中選授雲南師宗縣洊歷牧守監司終於浙江按察使公。生有異稟終其身孝友不匱爲學精嚴刻苦兼通儒釋深達天人之故居家在

官咸以至誠感格爲主。自州縣以至方面。清操惠政如一。尤以定大事。決疑獄。著名當世。五十後。齋居。修止觀者二十年。其卒也。玉柱瑩然下垂。蓋所養深矣。所爲文樸屬典雅。然非扶植道誼發揮心性者不輕作。故文淵閣大學士襄平蔣公攸銛嘗薦爲雲貴兩行省循吏第一。同治十年。前江蘇學政王益吾先謙以生平行實咨送國史館立傳。所著有周易瑣箋。大學臆古。中庸臆測。老子道德經金剛經心經諸注。鴻泥五錄。從政餘談。黑鹽井志。並詩文諸集。凡十七種。正定王氏家傳事實冊。

孫真人名思邈。京兆華原人。周宣帝時。隱居太白山。隋文帝輔政。徵不起。唐太宗高宗召詣京師。授以爵位。皆固辭不受。上元元年。辭疾歸。自云開皇辛酉生。鄉里皆云數百歲人。話周齊間事。歷歷如眼見。永淳元年卒。月餘。顏貌不變。舉尸就木。猶若空衣。時人異之。舊唐書。按隋唐間華原縣。卽今陝西西安府耀州。

王蘭泉名昶。字德甫。江南青浦人。乾隆甲戌進士。以召試授內閣中書。協辦侍讀。入直軍機處。因事罷。以佐緬甸金川軍復官。累遷左副都御史。外擢監司。職事修舉。由江西布政使。升刑部右侍郎。尋以疾歸。卒年八十三。先生早歲以詩名。治經深漢儒之學。言性道尊朱子。旁及河津餘姚。不區門戶。生平重倫紀。尙名節。所至提唱風雅。請業者屢恆滿。著述總數十種。多行於世。國朝先正事略。司馬文正公名光。字君實。宋陝州夏縣人。寶元初中進士甲科。除奉禮郎。簽判蘇州。累擢國子直講。龐籍薦爲館閣校勘。同知禮院。旋加集賢校理。通判并州。改直祕閣。開封府推官。修起居注。判禮部。仁宗無子。公先後疏言。選立宗室。遂以英宗爲皇子。進知制誥。改天章閣待制。兼侍講。知諫院。集議濮王典禮。公議宜稱皇伯。韓琦欲刺陝西義勇。公抗言其非。神宗立。爲翰林學士。王安石行新法。公力爭之。除樞密副使。不就。以端明殿學士出知永興。徙知許州。不赴。請判西京御史臺。歸洛。居十五年。哲宗立。爲門下侍郎。罷保甲團練。廢市易法。除民所

欠錢。京東鐵錢及茶鹽之法。皆復其舊。元祐元年。拜尙書左僕射。遂罷青苗錢。復常平糴糴法。是年九月卒。生平孝友忠信。恭儉正直。居處有法。動作有禮。誠心自然。天下敬信。陝洛間皆化其德。贈太師溫國公。諡文正。從祀孔廟。宋史。

文廟祀位考。按宋夏縣。卽山西解州今縣。

陳文恭公。名宏謀。字汝咨。號榕門。廣西臨桂人。雍正元年進士。由翰林院檢討。授吏部郎中。遷御史。外擢揚州府知府。洊歷封疆。乾隆二十八年。由湖南巡撫。召爲兵部尙書。加太子太保。充經筵講官。二十九年。協辦大學士。三十二年。拜東閣大學士。兼工部尙書。三十六年。致仕。加太子太傅。卒年七十七。諡文恭。公早歲刻苦自厲。能文章。內行修飭。待人以誠。外任三十餘年。歷行省十有二。歷官二十有一。所到無問久暫。必究心於人心風俗之得失。及利害之當興革者。分別鉤考。次第舉行。其學以不欺爲本。與人言政。輒引之於學。以爲仕卽學也。故所施各得其理。人咸安之。著有培遠堂集。五種遺規諸書。光緒中。從祀孔廟。

國朝先正事略文廟祀位考

朱柏廬名用純字致一江南崑山人與父集璜皆明季諸生國初父既殉節先生亦隱居以老其學確守程朱知行並進而一以主敬爲程友愛諸弟白首無間遇事變嶄然不撓有來學者必先授以小學近思錄進之以四子書興起者甚衆卒年七十二國朝先正事略

熊勉菴名宏備江南淮安人訓俗遺規

先伯兄姓王氏諱耕心字道農晚號龍宛居士先府君經歷公之長子也少援籌餉例以主事分部補用應鄉試不第改官同知需次南河兩署徐州府運河同知奏保以知府用加知府銜初先府君與先伯父梅叔公奉母居泰州孝敬雍睦迄於諸子不析箸兄尤能繼志述事盡己以型乎家以先府君前沒祿不逮養思慕終其身事先妣丁太恭人怡色承顏至老不懈友愛諸弟教養子姪無親疏彼此之見門內化之而兄以是故無私財以自殖意泊如也居官直方廉